



LOURDES NOYA FERREIRO, SECRETARIA XERAL DA UNIVERSIDADE DE SANTIAGO DE COMPOSTELA,

CERTIFICA: antes da aprobación da acta correspondente, que o Consello de Goberno da USC, na súa sesión do 31 de outubro de 2013, aprobou o recoñecemento de créditos nos estudos de Grao ao abeiro do artigo 12.8 do Real Decreto 1393/2007, nos termos do documento adxunto.

E para que así conste, asino a presente certificación en Santiago de Compostela a 11 de novembro de dous mil trece, co visto e praxe do sr. reitor.

Vº e praxe

O reitor

A handwritten signature in blue ink, appearing to read 'Juan J. Casares Long', is written over a horizontal line.

Juan J. Casares Long



A handwritten signature in black ink, appearing to read 'Lourdes Noya Ferreiro', is written over a horizontal line.

## **ACORDO DO CONSELLO DE GOBERNO SOBRE RECOÑECIMENTO DE CRÉDITOS NOS ESTUDOS DE GRAO AO ABEIRO DO ARTIGO 12.8 DO REAL DECRETO 1393/2007**

**(Acordo do Consello de Goberno celebrado o 31 de outubro de 2013)**

A regulación do recoñecemento de créditos nos estudos de grao ao abeiro do artigo 12.8 do Real Decreto 1393/2007 está recollida nun número importante de normas, o que fai moi difícil a súa consulta e correcta aplicación. Nestas normas mestúrase a regulación do recoñecemento de créditos coa propia regulación da actividade a recoñecer é, incluso, coas normas respecto á obrigatoriedade de acreditación do coñecemento de lingua estranxeira para a obtención do título de grao, o que dificulta máis a súa consulta.

Por outra banda, a organización e o modelo de programación dalgunha destas actividades, pola súa propia natureza, varía dun curso a outro, polo que incluír as normas de organización das actividades nunha disposición moi rixida dificulta o funcionamento da universidade.

Ademais, conforme ás Liñas xerais do Claustro, estaban sen regular as competencias informáticas, que nesta norma se integran coas informacionais para que o alumnado poida obter a acreditación CI2 conforme ao establecido nas orientacións da CRUE.

Regúlanse as competencias transversais en materia de lingua galega que tamén estaban pendentes de incluír nos recoñecementos de competencias, tanto para as persoas de fóra da Comunidade Autónoma como aquelas actividades da USC susceptibles de seren recoñecidas por este concepto.

Por último é preciso fixar algúns aspectos que aínda suscitan dúbidas, por isto considérase oportuno a refundición e simplificación dos textos dispersos.

Verbo de todo o anterior o Consello de Goberno, na súa sesión do 31 de outubro de 2013, adoptou o seguinte

### **A C O R D O**

#### **PRIMEIRO.- NORMAS COMÚNS**

**1.1.-** Recoñeceranse créditos nos estudos de grao polas competencias adquiridas mediante a participación en actividades universitarias culturais, deportivas, de representación estudantil, solidarias e de

cooperación até un máximo de 6 créditos do total do plan de estudos, consonte as disposicións contidas neste acordo.

A petición do alumno, as actividades acreditadas por encima deste límite poderán figurar no expediente polo procedemento de transferencia de créditos.

**1.2.-** Ademais das incluídas neste acordo, mediante resolución reitoral poderanse determinar outras actividades para seren recoñecidas como créditos nas titulacións de grao. Como criterio xeral, para que poida dítarse resolución de recoñecemento de créditos por outras actividades, o contido da actividade debe axustarse ao disposto no artigo 12.8 do Real Decreto 1393/2007 e existir un proceso formativo cunha programación estruturada, que os alumnos teñan seguimento por parte dos responsables da actividade, e que poida ser avaliable.

Estas resolucións de recoñecemento elevaranse á COAP para que emita informe.

**1.2.1.-** O recoñecemento das novas actividades só será efectivo unha vez se aproben mediante resolución reitoral.

**1.2.2.-** O recoñecemento de créditos deberá figurar na convocatoria da actividade, así como os requisitos e condicións para a súa obtención.

**1.2.3.-** O recoñecemento manterase en cursos sucesivos en tanto se manteña a actividade e as condicións básicas polas que foi aprobada.

**1.3.-** Soamente se recoñecerán créditos a un estudante por actividades desenvolvidas durante o tempo en que o solicitante estivo matriculado nos estudos de grao correspondentes.

**1.4.-** Para o recoñecemento de créditos por estas actividades os interesados deberán achegar, perante a Unidade de Xestión Académica correspondente, acreditación das actividades realizadas e aboar os prezos públicos que correspondan en concepto de recoñecemento ou transferencia de créditos.

Exceptúanse da obriga de pagamento para o seu recoñecemento as probas de competencia lingüística (PCL) organizadas polo CLM, os cursos organizados para a obtención de competencias informáticas e informacionais transversais, así como aqueles outros nos que os prezos polo recoñecemento se inclúan nos prezos de matrícula e así o estableza a convocatoria.

**1.5.-** Os modelos de acreditación de actividades para o recoñecemento serán aprobados pola Secretaría Xeral. Nas actividades organizadas pola USC a credencial será expedida pola vicerreitoría a quen

corresponda a supervisión ou, de ser o caso, pola Secretaría Xeral da Universidade, a través do servizo da USC correspondente.

## **SEGUNDO.- ACTIVIDADES DE REPRESENTACIÓN ESTUDIANTIL**

**2.1.-** Poderá ser recoñecida como créditos no expediente do alumnado a realización efectiva de actividades de representación estudantil durante o período no que estivera designado.

<b>Actividade que se recoñece</b>	<b>Recoñecemento</b>
Representante do alumnado no Claustro, Consello de Goberno, Consello do Departamentos, Institutos, Xunta de Centro ou exercicio de cargos académicos.	Ata <b>1,5 ECTS</b> por ano completo

**2.2.-** Se o estudante desempeña esta actividade en cargos representativos durante períodos distintos, o tempo poderá ser considerado de forma conxunta para os efectos de recoñecemento.

Se o estudante desempeña máis dun cargo simultaneamente poderá recoñecérselle ata un máximo de **2 ECTS**.

**2.3.** A salvo do disposto na norma 2.2. respecto da consideración conxunta de varios períodos, non se recoñecerán fraccións de tempo inferiores ao ano. En todo caso deberá acreditarse a participación efectiva nos órganos colexiados.

**2.4.-** Os interesados/as solicitarán a credencial perante a Secretaría Xeral indicando as datas de nomeamento e cesamento.

## **TERCEIRO.- ACTIVIDADES FÍSICO-DEPORTIVAS**

**3.1.-** A actividade físico-deportiva do estudante, supervisada polo Servizo de Deportes da Universidade, poderá ser recoñecida como créditos nas titulacións de grao.

<b>Actividade que se recoñece</b>	<b>Recoñecemento</b>
Escolas físico-deportivas	<b>1-4 ECTS</b> por actividade en cada curso académico.
<b>Competición</b>	<b>4 ECTS</b> pola participación en 1 competición oficial, universitaria ou federada, de ámbito internacional. <b>2 ECTS</b> pola participación en 1 competición oficial, universitaria ou federada, de ámbito nacional. <b>1 ECTS</b> pola participación noutras competicións autorizadas pola

	vicerreitoría correspondente.
Dinamizadores de actividades físico-deportivas da USC	<b>3 ECTS</b> por curso académico.
Deportistas de alto nivel da USC	<b>6 ECTS</b> por curso académico no que manteñan o estatus.

**3.2.-** O Servizo de Deportes da USC poderá propoñer á vicerreitoría responsable o recoñecemento doutras actividades deportivas.

**3.3.-** O recoñecemento dun alumno na categoría de Deportistas de Alto Nivel da USC farase consonte a súa norma específica.

**3.4.-** O recoñecemento de cada actividade é independente, de xeito que o alumno poderá solicitar o recoñecendo de máis dunha, ata o máximo permitido de 6 ECTS.

**3.5.-** A acreditación emitida pola vicerritoría a través do Servizo de Deportes poderá ser individual por cada actividade ou conxunta para varias delas, especificando os créditos asignados a cada unha das actividades que recolla. Neste último caso, se os créditos superan o máximo permitido, as actividades que rebasen o límite poderán figurar no expediente do estudante polo procedemento de transferencia.

#### **CUARTO.- ACTIVIDADES DA ÁREA DE CULTURA**

**4.1.-** As actividades e programas na Área de Cultura recollidos nesta norma poderán dar lugar ao recoñecemento de créditos nas titulacións de grao.

<b>Actividade que se recoñece</b>	<b>Recoñecemento</b>
Aula de Teatro	<b>6 ECTS</b> aos integrantes que acrediten una dedicación de, como mínimo, 150 horas
Coro universitario e Espazo de Cámara	<b>4 ECTS</b> aos integrantes por 100 horas de dedicación nun curso.
Espazo de Danza	<b>2 ECTS</b> aos integrantes por cada 50 horas de dedicación nun curso.
Cursos de Teatro, Danza e Fotografía	<b>1 ECTS</b> por cada 25 horas de duración do curso superado
Dinamizadores de actividades socio-culturais	<b>3 ECTS</b> anuais polo desenvolvemento de labores de dinamización das actividades socioculturais promovidas desde a vicerreitoría con competencias e sempre que realicen unha memoria final das actividades desenvolvidas
Cursos de Verán das	<b>1 ECTS</b> polos cursos de verán da USC de

Universidades Públicas	menos de 25 horas. <b>2 ECTS</b> por cada curso de 25 ou máis horas lectivas das universidades públicas en réxime de reciprocidade
Outras actividades culturais	<b>1 ECTS</b> por cada 25 horas pola asistencia e participación en actividades musicais, escénicas e outras de carácter cultural promovidas ou autorizadas pola vicerreitoría competente en materia de cultura. Nunha actividade o recoñecemento máximo será de 2 ECTS.

**4.2.-** Corresponde a vicerreitoría competente en materia de cultura propoñer á COAP as actividades recoñecibles e o número de créditos que se recoñecerán por cada actividade. Por resolución reitoral estableceranse as actividades recoñecibles. Esta resolución deberá ditarse e facerse pública con anterioridade á súa celebración e deberá ser comunicada á Secretaría Xeral a través do Servizo de Xestión Académica.

#### **QUINTO.- ACTIVIDADES SOLIDARIAS E DE COOPERACIÓN**

**5.1.-** As actividades organizadas e supervisadas polo Servizo de Participación e Integración Universitaria (SEPIU) que se detallan, poderán dar lugar ao recoñecemento de créditos nas titulacións de grao.

<b>Actividade que se reconece</b>	<b>Recoñecemento</b>
Actividades de Participación Social e Campus Virtual	<b>1 ECTS</b> por cada 25 horas de participación. Para todas aquelas persoas que teñan superado o Curso de Formación Básica en Voluntariado na modalidade presencial ou en liña.
Actividades de sensibilización e formación organizadas pola vicerreitoría con competencias en materia de estudantes	<b>1 ECTS</b> por cada 25 horas de participación.
Bolsas de sostibilidade, participación e integración universitaria	<b>3 ECTS</b> por curso como bolseiro se se cumprira, polo menos, un 70% das tarefas asociadas á

	bolsa.
Programa de titores	<b>6 ECTS</b> pola realización íntegra do programa

**5.2.-** A vicerreitoría con competencias na materia fará o seguimento a través do Servizo de Participación e Integración Universitaria (SEPIU) das actividades realizadas e emitirá a certificacións para o recoñecemento cando se reúnan os requisitos necesarios.

**5.3.-** Non procederá recoñecemento de créditos ata acadar o mínimo de 25 horas de actividade, nin as actividades que non foran convocadas ou supervisadas pola vicerreitoría con competencia na materia.

### **SEXTO.- CURSO DE COMPETENCIAS INFORMÁTICAS E INFORMACIONAIS DA USC**

**6.1.-** Poderán recoñecerse créditos nas titulacións de grao pola adquisición de competencias informáticas e informacionais transversais a través dos cursos que estableza a Universidade e que acreditarán as competencias CI2.

<b>Actividade que se recoñece</b>	<b>Recoñecemento</b>
Curso de Nivel Básico	<b>1 ECTS</b> por cada 25 horas
Curso de Nivel Medio	<b>1 ECTS</b> por cada 25 horas
Curso de Nivel Avanzado	<b>1 ECTS</b> por cada 25 horas

**6.2.-** Poderán recoñecerse os tres cursos. Os programas dos cursos aprobaranse por resolución reitoral co informe previo da COAP, a proposta da Biblioteca Universitaria (BUSC) e da ATIC.

**6.3.-** A acreditación da superación desta actividade farase a través da acta asinada polos responsables dos cursos.

### **SEPTIMO.- COMPETENCIAS TRANSVERSAIS EN GALEGO**

7.1.- Para os estudantes procedentes doutra Comunidade Autónoma que non completaron os seus estudos preuniversitarios en Galicia

<b>Actividade que se recoñece</b>	<b>Recoñecemento</b>
Celga 1 (A2)	<b>3 ECTS</b>
Celga 2 (B1)	<b>4 ECTS</b>

Celga 3 (B2) ou superiores	<b>5 ECTS</b>
----------------------------	---------------

**7.2.-** Para todos os estudantes da USC

<b>Actividade que se reconece</b>	<b>Recoñecemento</b>
Cursos de 25-30 horas organizados polo SNL	<b>1 ECTS</b>

Corresponde á Secretaría Xeral ou vicerreitoría competente en materia de Normalización Lingüística, previo informe do SNL, propoñer á COAP as actividades recoñecibles, e que serán aprobadas por resolución reitoral. Esta resolución deberá ditarse e facerse pública con anterioridade á súa celebración e deberá ser comunicada ao Servizo de Xestión Académica.

#### **OITAVO.- COÑECEMENTO DE IDIOMAS**

**8.1.-** As competencias lingüísticas acadadas polo estudante e distintas ao mínimo obrigatorio para a obtención do título de grao serán recoñecibles de conformidade ao disposto neste acordo.

<b>Actividade que se reconece</b>	<b>Recoñecemento</b>
Nivel B1 da segunda e demais linguas estranxeiras distintas á obrigatoria	<b>3ECTS</b> por acreditación por cada nivel B1 acreditado
Niveis superior ao B1 da lingua estranxeira obrigatoria e doutras	<b>4 ECTS</b> por acreditación do nivel B2 <b>5 ECTS</b> por acreditación do nivel C1 <b>6 ECTS</b> por acreditación do nivel C2
Cursos de idiomas do CLM noutras linguas distintas á recoñecida como obrigatoria	<b>1 ECTS</b> por cada 25 horas ata un máximo de 6 ECTS

**8.2.-** As competencias lingüísticas acreditaranse pola superación das Probas de acreditación ou de competencia lingüística compostas polas probas B1-A e B1-B do Centro de Linguas Modernas ou por calquera dos documentos recollidos na web do CLM, conforme ao acordo do Consello de Goberno sobre Acreditación do Coñecemento de Lingua Estranxeira para a Obtención do Título de Grao e Recoñecemento dos Niveis de Coñecemento de Idioma.

**8.3.-** A superación das Probas de acreditación ou de competencia lingüística compostas polas probas B1-A e B1-B organizadas polo CLM acreditaranse polo procedemento de actas establecido e dará lugar a imputación directa no expediente do alumno.

**8.4.-** Sempre que sexan do mesmo idioma e distinto nivel, os títulos de nivel superior dun idioma subsumirán aos títulos inferiores do mesmo, polo que non será posible recoñecer un título inferior cando se recoñeceu o título superior. Do mesmo xeito, de acreditar un nivel superior só se terá dereito á diferenza de créditos cos recoñecidos polo nivel que figure xa no expediente.

#### **DISPOSICIÓN TRANSITORIA PRIMEIRA.-**

A regulación das actividades recoñecibles na data de aprobación deste acordo manterán a súa vixencia en tanto non se cambie a programación e as características fundamentais por medio de resolución reitoral.

#### **DISPOSICIÓN TRANSITORIA SEGUNDA.-**

Os novos recoñecementos terán efectividade dende a data de publicación do presente acordo no taboleiro electrónico da USC.

#### **DISPOSICIÓN DERROGATORIA.-**

A partir da entrada en vigor deste acordo quedan sen efecto todas as normas que se opoñan ao disposto nel e, especificamente, as normas contidas nas seguintes disposicións:

- Resolución Reitoral do 26 de febreiro de 2013, de Modificación dos anexos I e II da Resolución Reitoral de 1 de febreiro de 2012 pola que se aproba o texto refundido sobre Recoñecemento de créditos ao abeiro do artigo 12.8 do Real Decreto 1393/2007.
- Resolución Reitoral do 1 de febreiro de 2012, Texto refundido sobre recoñecemento de créditos ao abeiro do artigo 123.8 do R.D. 1393/2007.
- Acordo do Consello de Goberno do 22 de decembro de 2011 de Modificación do acordo de recoñecemento de créditos pola participación en actividades ao abeiro do artigo 12.8 do R.D. 1393/2007.
- Resolución Reitoral do 12 de xullo de 2010 de Procedemento para a convocatoria e imputación dos cursos que a USC recoñecerá como competencias transversais informacionais nos estudos de Grao.

- Resolución Reitoral do 14 de decembro de 2009 que modifica o Anexo I do ACG do 4 de xullo de 2008 sobre recoñecemento de créditos ao abeiro do artigo 12.8 do Real Decreto 1293/2007.
- Resolución Reitoral do 5 de maio de 2009, sobre procedemento para o recoñecemento de créditos de actividades reguladas no art. 12.8 RD 1393/2007 e competencias lingüísticas para as ensinanzas de Grao.
- Acordo do Consello de Goberno do 4 de xullo de 2008, de Recoñecemento de créditos ao abeiro do artigo 12.8 do RD 1393/2007, e das liñas xerais da USC para a elaboración das novas titulacións (Graos).